

*Edicto do 12 de maio de 2008, do Xurado Provincial de Clasificación de Montes Veciñais en Man Común de Ourense, polo que se resolve o expediente de clasificación do monte coa denominación A Travesa de propiedade dos veciños de Franqueirán, no concello de Ribadavia.*

En cumprimento do disposto no artigo 28 do regulamento para a execución da Lei 13/1989, do 10 de outubro, de montes veciñais en man común, aprobado polo Decreto 260/1992, do 4 de setembro, e de conformidade co disposto no artigo 60.1º da Lei 30/1992, do 26 de novembro, de réxime xurídico das administracións públicas e do procedemento administrativo común, faise público que o Xurado Provincial de Clasificación de Montes Veciñais en Man Común de Ourense, en sesión que tivo lugar con data 22 de abril de 2008 adoptou a seguinte resolución:

Visto o expediente de clasificación como veciñal e man común do monte denominado A Travesa, tramitado por solicitude dos veciños de Franqueirán, no concello de Ribadavia, resultan os seguintes:

Feitos.

Primeiro.-Con data 8 de xullo de 2005 tivo entrada no rexistro da delegación provincial da Consellería do Medio Rural escrito dirixido ao Xurado Provincial de Clasificación de Montes Veciñais en Man Común de veciños do lugar de Franqueirán, concello do Ribadavia, en que solicitan a clasificación como veciñal en man común do devandito monte a favor dos veciños do citado lugar.

Segundo.-Con data 16 de outubro de 2007, o xurado provincial acorda iniciar o expediente de clasificación como veciñal en man común do referido monte, designando instrutor e procedendo a realizar as comunicacións e publicacións a que fan referencia os artigos 20, 21 e 23 do regulamento para a execución da Lei 13/1989, do 10 de outubro, de montes veciñais en man común, aprobado polo Decreto 260/1992, do 4 de setembro, e ábrese un período dun mes para a práctica de alegacións.

Terceiro.-No prazo concedido para a práctica de alegacións non consta que se presentase ningunha.

Cuarto.-O monte obxecto de clasificación, de acordo coa documentación que consta no expediente, descríbese así:

Concello: Ribadavia.

Denominación do monte: A Travesa.

Comunidade veciñal solicitante: veciños de Franqueirán.

Superficie : 10,44 ha aprox.

Lindeiros:

Norte: herdeiros de Manuel Alonso, herdeiros de Salvador Pérez Meiriño, Manuel Mosquera, Dolores Rodríguez Meiriño, herdeiros de Silvestre Rodríguez, Antonio Durán, José Alonso Travieso, Manuel

Alonso Travieso, Nemesio Fernández Soto e herdeiros de García Aliende e Diéguez.

Sur: Manuel Rodríguez Gulin, Cañoto, Braulio Gulin Pérez, Luis Travieso, Julio Lorenzo, Francisco Meiriño Iglesias, Alejandro Pérez Francisco, Gorrión, Raimundo Gulin González e José Meiriño Iglesias.

Leste: Alejandro Pérez Francisco, Ventura e herdeiros de Rana Freijido.

Oeste: José Meiriño Iglesias, Ignacio Mosquera, Alejandro Pérez Francisco, herdeiros de Josefa Meiriño Gulin, Antonio Meiriño Roo, herdeiros de Avelino Meiriño, José Meiriño Alonso, Rita Travieso Alonso, Jesús Travieso e Antonia Pérez Francisco.

Fundamentos de dereito.

Primeiro.-O xurado provincial de clasificación de montes veciñais en man común é órgano competente para coñecer os expedientes de clasificación dos montes que teñan tal carácter, de acordo co establecido no artigo 9 da Lei 13/1989, do 10 de outubro, de montes veciñais en man común.

Segundo.-De conformidade co disposto no artigo 1 da devandita lei, «son montes veciñais en man común... os que, con independencia da súa orixe, as súas posibilidades produtivas, o seu aproveitamento actual e a súa vocación agraria, pertencen a agrupacións veciñais na súa calidade de grupos sociais e non como entidades administrativas, e se veñan aproveitando consuetudinariamente en réxime de comunidade sen asignación de cotas polos membros daquelas na súa condición de veciños».

Terceiro.-É reiterada doutrina da Sala do Contencioso-Administrativo do Tribunal Supremo que son dúas as notas características dos montes veciñais en man común: unha, o aproveitamento consuetudinario en man común, e outra, a atribución da titularidade dese aproveitamento aos veciños integrantes dun grupo social determinado, independentemente da súa cualificación ou non como entidade administrativa; correspóndelle constatar o aproveitamento e atribuír a titularidade a favor do grupo social que o veña disfrutando ao xurado provincial de clasificación.

Cuarto.-O carácter de monte veciñal en man común tense acreditado mediante os testemuños dos veciños solicitantes e as actuacións realizadas polo Servizo de Montes e Industrias Forestais, sen que durante a tramitación do procedemento se producise reclamación ningunha de titularidade distinta.

En consecuencia co que antecede, vista a Lei 13/1989, do 10 de outubro, de montes veciñais en man común, o seu regulamento, aprobado polo Decreto 260/1992, do 4 de setembro, o Decreto 562/2005, do 1 de decembro, polo que se establece a estrutura orgánica da Consellería do Medio Rural, e demais normativa legal e regulamentaria, o xurado provincial por unanimidade dos seus membros,

**RESOLVE:**

Clasificar como monte veciñal en man común a favor dos veciños de Franqueirán, no concello de Ribadavia, o monte A Travesa coa descrición reflectada no feito cuarto.

Contra esta resolución, que pon fin á vía administrativa, poderase interpoñer recurso potestativo de reposición ante o Xurado Provincial de Clasificación de Montes Veciñais en Man Común de Ourense no prazo dun mes, ou ben directamente recurso contencioso-administrativo ante o Xulgado do Contencioso-Administrativo de Ourense, no prazo de dous meses contados desde o día seguinte ao desta notificación, de acordo co disposto no artigo 12 da Lei 13/1989 (citada), nos artigos 116 e 117 da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro, e nos artigos 8 e 46 da Lei 29/1998, do 13 de xullo, reguladora da xurisdición contencioso-administrativa.

Ourense, 12 de maio de 2008.

Xosé Rodríguez Cid

Presidente do Xurado Provincial de Clasificación de Montes Veciñais en Man Común de Ourense

*Anuncio do 15 de maio de 2008, da Delegación Provincial da Coruña, polo que se emprazan os interesados para seren notificados por comparecencia no expediente SAN-CO-090/2008-IA e dous máis.*

De conformidade co disposto no artigo 61 da Lei 30/1992, do 26 de novembro (BOE do 27 de novembro), de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro, despois de intentada a notificación persoal dúas veces, emprázanse os interesados que se sinalan no anexo para seren notificados por comparecencia.

O acto foi adoptado pola delegada provincial.

A comparecencia deberase efectuar no prazo de dez días contados desde o seguinte ao da publicación deste anuncio, na sede do Servizo Xurídico-Administrativo da Delegación Provincial do Medio Rural sita na praza de Luis Seoane s/n, edificio administrativo-3º andar-Moneiros (A Coruña) das 9.00 ás 14.00 horas, de luns a venres.

Transcorrido o devandito prazo sen efectuarse a comparecencia, a notificación entenderase producida desde o día seguinte.

A Coruña, 15 de maio de 2008.

Olga María García Agra  
Delegada provincial da Coruña

**ANEXO**

Expediente: SAN-CO-090/2008-IA.

Denunciado: Ramón Bustelo Arufe.

Acto de notificación: acordo de iniciación.

Expediente: SAN-CO-094/2008-IA.

Denunciado: Javier Vidal Romay.

Acto de notificación: acordo de iniciación.

Expediente: SAN-CO-0096/2008-IA.

Denunciado: Eladio Vigo Mosquera.

Acto de notificación: acordo de iniciación.

*Anuncio do 15 de maio de 2008, da Delegación Provincial da Coruña, polo que se empraza o interesado para ser notificado por comparecencia no expediente SAN-CO-004/2008-BA.*

De conformidade co disposto no artigo 61 da Lei 30/1992, do 26 de novembro (BOE do 27 de novembro), de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro, despois de intentada a notificación persoal dúas veces, emprázase o interesado que se sinala no anexo para ser notificado por comparecencia.

O acto foi adoptado polo instrutor do procedemento.

A comparecencia deberase efectuar, no prazo de dez días contados desde o seguinte ao da publicación deste anuncio, na sede do Servizo Xurídico Administrativo da Delegación Provincial do Medio Rural, sita na praza de Luis Seoane s/n, edificio administrativo-3º andar-Moneiros (A Coruña), das 9.00 ás 14.00 horas, de luns a venres.

Transcorrido o devandito prazo sen se efectuar a comparecencia, a notificación entenderase producida desde o día seguinte.

A Coruña, 15 de maio de 2008.

P.A.

Manuel Fernández Veiga  
Instrutor

**ANEXO**

Expediente: SAN-CO-004/2008-BA.

Denunciado: José Lamas Regueiro.


Acto de notificación: proposta de resolución.

**CONSELLERÍA DE PESCA  
E ASUNTOS MARÍTIMOS**

*Orde do 24 de xaneiro de 2008 pola que se autoriza a transmisión inter vivos da concesión da batea Campelo III.*


Visto o expediente instruído para os efectos de transmisión da batea Campelo III e da concesión administrativa que o ampara, resulta:

a) Antecedentes de feito.



Monte veciñal en man común denominado "A Travesa", pertencente á Franqueirán  
Parroquia de Ribadavia (San Domingos de Fóra). Concello de Ribadavia  
Escala 1:3.500. Proxección UTM, fuso 29 N, zona T. Datum: ED50  
Cartografía catastral: servidor WMS da Dirección Xeral do Catastro

Consellería do Medio Rural e do Mar. Xefatura territorial de Ourense. Servizo de montes  
Sección provincial de Ourense do Rexistro Xeral de Montes Veciñais en Man Común



Monte veciñal en man común denominado "A Travesa", pertencente á Franqueirán  
 Parroquia de Ribadavia (San Domingos de Fóra). Concello de Ribadavia  
 Escala 1:5.000. Proxección UTM, fuso 29 N, zona T. Datum: ED50  
 Folla topográfica dixital número 225-31 da Xunta de Galicia

Consellería do Medio Rural e do Mar. Xefatura territorial de Ourense. Servizo de montes  
 Sección provincial de Ourense do Rexistro Xeral de Montes Veciñais en Man Común